

Inatsisartut suleriaasiat § 33 naapertorlugu Inatsisit atortinneqarnerannut ataatsimiititaliami ilaasortat matumuuna aalajangiiffigisassatut siunnersuut saqqummiuppaat:

**Inatsisartut Ombudsmandiata 2010-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.**

(Inatsisit atortinneqarnerannut ataatsimiititaliap siulittaasua Isak Hammond, Inuit Ataqatigiit, Inatsisit atortinneqarnerannut ataatsimiititaliami ilaasortaq Andreas Uldum, Demokraatit, Inatsisit atortinneqarnerannut ataatsimiititaliami ilaasortaq Storm Ludvigsen, Inuit Ataqatigiit, Inatsisit atortinneqarnerannut ataatsimiititaliami ilaasortaq kristian Jeremiassen, Siumut, Inatsisit atortinneqarnerannut ataatsimiititaliami ilaasortaagallartoq Andersine H. Krisiansen, Siumut)

**Tunngavilersuut:**

Allaffissornikkut aqutsinerup inatsisini sinaakkusiussat iluanni kiisalu ingerlatsivinni inatsisitigut malitarisassat iluini ingerlanneqarnissaa pillugu Inatsisartut inatsisiliortutut Ombudsmandi nakkutilliisussatut suliaqarnissaanik pisussaaffilersippaa. Taamaalilluni Ombudsmandi Inatsisartut Naalakkersuisunik nakkutilliinerannut sakkuuvoq, kisiannili aamma nunap inuttaasa eqqartuussiveqarnikkut illersugaanissaannut qulakkeerinnittuulluni. Ombudsmandi taamaalilluni tassaavoq *Inatsisartut innuttaasullu* ataatsimut Ombudsmandiat.

Inatsisartut Ombudsmandiat ukiut tamaasa Inatsisartunut nalunaarusiortarpoq, tassa ukiumi qaa-ngiuttumi Ombudsmandip suliarisarsimasani nalunaarusiaralugit.

Ataatsimiinnermi tassani Inatsisartut Ombudsmandiata ukiumoortumik nalunaarusiami imarisaata ilaanik ataatsimiititaliamut immikkut soqutiginaatillit ataatsimiititaliamut paasissutissiissutigineqarput.

Inatsisit atortinneqarnerat ataatsimiititaliaq isumaqatigalugu Ombudsmandip ukioq manna siullermeerlugu ukiumut nalunaarusiap annertunersaa CD-nngorlugu saqqummersippaa, tamatumalu kinguneraa saqqummiussap avatangiisinut aningaasatigullu iluaqutissartaqarnera, aammalu ukiumut nalunaarusiami ajornannginnerusumik ujaasisinnaaneq.

Nutaatut aamma malugineqassaaq, ukiumut nalunaarusiami takuneqarsinnaammata allatukkat Ombudsmandip sulineranut sunniutit assigiinngitsut.

Inatsisit atortinneqarneranut ataatsimiititaliap neriutigaa, Inatsisartut suliniutit nutaat tigulluarumaaraat.

Ombudsmandi pillugu inatsisikkut nutaakkut ukioq kingulleq januaarip aallaqqaataaniit atuutilersukkat massakut suliassaareersut saniatigut Ombudsmandi suliaqarfimmik allamik suliassaqalerpoq, tassalu: Naalliutsitsisarneq allatullu peqqarniingartumik,

inuppalaanngitsumik imaluunniit nikanarsaataasumik pinnittarnejq imaluunniit pillaasarneq akiorniarlugu Naalagaaffiit Peqatigiit isumaqatigiissutaannut ilassut nammineq piunassuseq tunngavigalugu ilannguffigineqarsinnaasoq tunngavigalugu “Nuna Tamakkerlugu Pinaveersaartitsisutut Suliassaq”.

Ukiumut nalunaarusiami suliap nutaap aallaatigineqarnera ilanngunneqarpoq, Ombudsmandip suliaminut ilanngussaa misissuinermi nalunaarutit “National forebyggende mekanisme” tamannalu siunissami aamma Ombudsmandip nalunaarutaanut ilanngunneqartassalluni.

Ombudsmandip 2010-mut ukiumoortumik nalunaarusiaani – maannamut pisarnertut – suliat arlallit malittarisassatut tunngavimmi namminermi imaluunniit malittarisassat allaffissuutigineranni kukkunernik amigaatinillu nalunaarutigineqarsimasut ilanngunneqarsimapput.

Taamaalilluni innutaasut piginnaatitaaffitsigut isumannaatsuutinnissaat pisortatullu oqartussat suliassaminnik suliarinnittarnissaat nukittorsartuarneqaqqullugu anguniagaqarnitsinni ukiumoortumik nalunaarusiaq sakkutut ikiuutitullu atorineqarsinnaavoq.

Taamatut oqaaseqarluni Inatsisartut Ombudsmandiata 2010-imut nalunaarutaa pillugu siunnersuut Inatsisartunit tusaatissatut tiguneqartussanngorlugu Inatsisit Atortinneqarnerannut Ataatsimiititaliap isumaqatigiittup saqqummiupaa.

Ilanngulluguttaaq Inatsisartut Ombudsmandiat 2010-imi suliiaanut annertuunut Inatsisit Atortin neqarnerannut Ataatsimiititaliap qujassuteqassaaq.